



UNIVERSITÄTS-  
BIBLIOTHEK  
PADERBORN

# **Claudii Fleurii Abbatis Historia Ecclesiastica**

Ab Anno 429. Usque Ad Annum 483

**Fleury, Claude**

**August. Vind. [u.a.], 1759**

**VD18 90117816**

§. 26. Leges pro Asylis latae.

---

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

Hominis in Imperio suo Prodigium, de-<sup>Sæculum V.</sup>  
duxit. Rex Barbarus in terra prostra-<sup>A. C. 465.</sup>  
tus, & lacrymans, veneratus est Sanctum,  
qui pactorum tunc inter ambos Principes  
initorum Arbitrator extitit. Gubas ad suos  
reversus, portentum enarrabat, & quo-  
tiescunque exinde Legatos Constantino-  
polim mitteret, ad S. Daniele, litteris  
datis, precibus ejus suam fortunam com-  
mendabat.

§. XXVI.

*Leges pro Asyulis latæ.*

Ardaburus Patricius, quo nullus in Im-<sup>vit. S. Marc.</sup>  
perio potentior, suorum alicui irasce-<sup>ap. Sur. 29.</sup>  
batur; is ad Monasterium Acemetensium,<sup>Dec.</sup>  
cui S. Abbas Marcellus præerat, confugit.  
Misit Ardaburus, qui hominem repete-<sup>Sup. lib.</sup>  
rent, & Monachis reddere recusantibus,<sup>XXVII.</sup>  
in minas erupit, misitque milites, qui Mo-<sup>§. 30.</sup>  
nasterium obsederunt. S. Marcellus in-  
terrogat circumstantes, an ibi pernocta-  
turi essent, & obtulit ad cœnam cibos,  
quos acceptarunt. Hæc sub crepusculum.  
At per noctem Monachi apud S. Marcel-  
lum instabant, ut virum redderet fugiti-  
vum, ne suos, & Monasterium excidii pe-  
riculo exponeret. Foris obsidentes stri-  
ctis gladiis ultima minitabantur, quam-  
primum illuxisset Monasterium invasuri.  
Tum vero in Domus fastigio ignem con-  
spexere, faces in se quasi fulmina jacu-

Sæculum V. A. C. 466. lanthem. Illico, projectis armis, in terram proni precibus iratum Deum mitigare conati sunt. Ardaburus, comperito, quid accidisset, fugitivo gratiam fecit.

*Lib. 6. Cod. de his qui ad Eccles. Sup. XX. §. 36. L. 3. C. Theod. de his qui ad Eccl.*

Pronum est credere, istud prodigium ansam dedisse Imperatori Leoni Legem ferendi de modo Asyli, ultima die Febr. cum tertio Consul esset, nempe an. 466. datam. Ea Lege prohibetur, ne fugitivi ex Ecclesia rapiantur, & ne Episcopi, vel œconomi ob fugitivorum debita vexentur, quippe secundum Legem Arcadii, 27. Julii anno 398. datam, qui fugitivos recepissent, pro eis debita solvere tenebantur. Lex Leonis ista omnia sub pœna capitis prohibet. Rursus, fugitivi non ita arcte includantur, ut cibo, vestimento, aut necessaria quiete priventur. Si publice in Ecclesia prodeant, salva loci sacri Reverentia, ipsis Sententia Judicis significari poterit, & quid respondeant, accipi. Si se intra claustra Asyli occultent, œconomus, vel Defensor, vel quicumque alius, cui Episcopus id commiserit, in Ecclesiam evocabit; ita de rebus suis admoniti, Mandatarium constituere poterunt, qui coram Judice ipsorum causam agat; si recusaverint, experiri cogentur, quod leges permittunt. Eorum bona vel mobilia, vel immobilia secundum formam juris vendentur, prout lata fuerit

fuerit a Iudice sententia. Si mobilia sua in Ecclesiæ claustris, vel in cuiusdam Clerici Domo, occultent, id œconomo, aut Defensori indicabitur, qui adhibita omni diligentia, an res ita se habeat, inquirent; & si quis suspectus sit, an ejusmodi Bona clam apud se habeat, Auctoritate Episcopi interposita purgare se tenebitur.

Quod attinet ad mancipia, aliosve Domesticos; quamprimum œconomus, vel Defensor ab illis, a quibus oportet, moniti fuerint, eos cum omnibus rebus, quas attulerunt, ad Dominos dimittant, postquam ipsi juramento promiserint, quod reis veniam velint concedere, vel saltem humaniter castigare. Quia non expedit, ut diu in Ecclesiis morentur, ne interea Domini servorum ministerio carere cogantur, & ipsi servi, quæ destinata sunt pauperum sublevandæ necessitati, devorent. Oeconomi, & Defensores sine mora inquirent, qui illi sint, qui confugerint, & quæ ipsorum causa, statimque Judicibus, & illis omnibus, quorum interest, quæ compererint, indicabunt. Huic Legi Constantinopoli locus non sit, sed res ad Imperatorem deferenda est, ut de causis intricatis arbitrium ferat. In hac lege usus Asylorum legitimus dispicitur, qua simul locorum Sacrorum Religioni, & æquitati naturali satisfit.